





c g

pt





HARANGVE PRONONCEE DEVANT LE ROY & la Royne, en la Salle de Bour- bon, à la presentation du cayer du tiers Estat.

Par MESSIRE ROBERT MIRON
*Conseiller du Roy en ses Conseils d'Estat &
Privé, President aux Requestes du Parle-
ment & dudit tiers Estat, Et Preuost des
Marchands de la ville de Paris, le Lundy
23. Feburier. 1615.*



A PARIS,
EN LA BOVTIQUE DE NIVELLE.
Chez SEBASTIEN CRAMOISY, rue
Saint Iaqués aux Cicognes.

M. DCXV.
Avec Privilege du Roy.

Case.

F

39

1326

1615 mib

THE NEWBERRY
LIBRARY



HARANGVE PRO-

noncée deuant le Roy & la Royne
 en la Salle de Bourbon, à la pre-
 sentation du cayer du tiers Estat,
 par Messire Robert Miron, Con-
 seiller du Roy en ses Conseils d'E-
 stat & Priué, President aux Re-
 questes du Parlement, & dudit
 tiers Estat, & Preuost des Mar-
 chands de la ville de Paris, le Lun-
 dy 23. Feburier. 1615.



IRE,

Quand ieiette les yeux
 sur ceste auguste & celebre com-
 pagnie, honorée de la presence
 de vostre Maiesté, le me souuiens
 d'vne coustume ancienne de ce

4 *Harangue faite à la closture*

Royaume, remarquee par Cedrenus historien Grec, par Segebert, Aimoinus & plusieurs autres. Ils disent que tous les ans au mois de May, se faisoit vne assemblee de tous les ordres, en laquelle presidoit le Roy assis en vn trosne d'or, & par l'aduis de ses subiets, pouruoit aux affaires importants de l'Estat, tesmoignage singulier de la sincere & paternelle affection de nos Roys, lesquels dans la grâdeur de leur puissance, & eminance de leur dignité, n'estans liez à autres loix qu'à celles de leur volonté propre, ont neantmoins desiré pourueoir aux desordres communs par le conseil de leurs subiets; c'est à dire chercher la guari-son, & faire choix des remedes par l'aduis des malades mesmes.

Et pleust à Dieu, SIRE, que

d's Estats, par M. Miron. 5

ceste forme grandemēt salulaire,
depuis empruntée par les Roys
voisins, n'eust point esté alterée
par le cours du temps, & fust de-
meurée en sa vigueur entre nous,
la discipline publique florissante
sous nos Peres ne fut en rien des-
cheüe, l'Estat eust esté conserué
en son lustre, non terny, non af-
foibly, & vostre Maiesté ne seroit
pas aujourdhuy empeschée à re-
trancher les abus que la licence a
insensiblement introduits. Pour
ceste mesme raisõ les premiers Pe-
res de l'Eglise aux Conciles de Ni-
ce & d'Antioche, ordonnerent
que tous les ans se feroiēt en cha-
que Prouince des Synodes, dont
l'vtilité & salubrité est remarquée
par saint Basile en l'oraison qu'il
à faicte *In lacisis*, & par saint Au-
gustin en l'Epistre 118. Et comme

6 *Harangue faite à la closture*
le mespris de ceste coustume en
l'Eglise, a tiré apres soy de grands
desordres à cause des plis & des ri-
des qui difforment ce beau visage,
le mesme est arriue en l'ordre Po-
litique. C'est pourquoy SIRE,
nous ne pouuons assez esleuer l'o-
bligation incomparable que vous
acquerrez sur nous, ayant apres
les acclamations generales de vos
subiects, & tres-heureux succès
de vos desseins, desiré affermir le
repos par le lien le plus estroict, le
ciment le plus ferme de tous, qui
est l'establissement des loix nou-
uelles, & la confirmation des an-
ciennes. A ceste occasion SIRE,
ie parois derechef aujourd'huy
deuant vous au nom du tiers Estat
de vostre Royaume, grandement
incommodé & affoibly par diuer-
sité d'indisposition qui le trauail-

lent, pour vous représenter les douleurs & les playes, afin que par vostre prudence & de la Royne vostre Mere, les remedes necessaires y puissent estre apportez.

Et comme il est tres certain que le premier degré pour paruenir aux remedes d'un mal, est d'auoir la cognoissance de la source & origine du mal mesme, ie m'efforceray, SIRE, sous la licence qu'il vous a plu me donner, de mediter profondement en la recherche de ceste cognoissance, & suppliray tres-humblement vostre Maiesté me pardonner si plus dressé & accoustumé à l'actiō qu'au discours, en la deductiō d'un subiect riche, fecond & important, qui regarde autant nostre posterité que nous mesmes, i'entreprés avec quelque liberté vous faire naïfuet veoir

8 *Harangue faite à la closture*

le mal qui nous presse par vn simple & veritable recit de nos defaux plustost que par des paroles persuasives & choisies , protestant n'auoir aucune intentiõ de blesser persõne en particulier , ny aucun ordre en general, Mais si m'aquit- tant de ma charge cõme ie suis obligé sur peine de preuarication, ie touche veritablement les maux dont nous sommes trauaillez qui parlent d'eux mesmes , ie supplie toute ceste compagnie de nes'en tenir offencée, se remetrãt deuant les yeux, que celuy qui fera autrement, sera à bon droit soupçon- né se plaie au mal , puisque le nom melme de sa maladie ioinct aux remedes que nous allons cherchans en ceste action, luy sera odieux.

Il y a, SIRE, deux principaux
points

des Estats, par M. Miron. 9

points qui ont tousiours esté la
baze & l'appuy de cest Estat, la
pieté & la iustice: Ce sont les mon-
taignes sainctes qui ont seruy de
fondement à vostre Royaume, ce
sont ses deux colonnes d'airain,
pour leur fermeté & durée, dres-
sées à l'entree du temple de Salo-
mon, dont le chapiteau portoit
les Lys marque de l'Escu des Roys
de France, auxquels seuls l'inter-
pretation, l'exécution de ce sainct
Hieroglyphe estoit reseruee: Ces
deux vertus, Pieté & Iustice fôda-
mentales de l'entretien de cest E-
stat, vierges comme les appelle
Philon & incorruptibles, ont esté
violees & ternies, ses colonnes es-
branlees, voire renuersees, ses ri-
ches plantes flettries par ceux mes-
mes qui les deuoient cultiuer &
maintenir, dont le mauuais choix

esslongné des yeux devostre Ma-
iesté, à tellement surchargé ces
machines sainctes, par infinité de
mauuaises actiós de plusieurs Ec-
clesiastiques, & officiers establis
en la Iustice, Police & Finance &
autres de toutes professions inuti-
les à tous, fors qu'à eux mesmes,
qu'il ne reste plus entre nous que
le nom & l'ombre de ces vertus.
Voila SIRE, en peu de paroles la
source & origine de nos maux, la
Pieté s'est esslongnee de nous par
defaut de Prelats, y ayans plu-
sieurs Eueschez destituez d'Eues-
ques, plusieurs troupeaux sans Pa-
stours, le reuenu neantmoins re-
cueilly par des nommez, ou par
des œconomes, & de ceux qui sôt
en tiltre, la pluspart fuyent la re-
sidence, & s'en dispensent dedans
le mespris qu'on faict à present

des Estats, par M. Miron. 11

des anciennes loix Ecclesiastiques, desquels on reiette l'ordre Hierarchique, & fait on peu de cas des Euesques, au preiudice desquels, diuerſes exempriſons abuſiues ont eſté cy-deuant vſurpees, & avec trop de facilité tolerees: Par ce moyen l'auctorité des Euesques a eſté affoiblie, & en ſuitte de ce la pieté abolie & bannie de nous. Si ie parle trop hardiment de ce deſordre, i'ay pour garend de ceſte libre plainte ce grand Prelat Yuo Eueſque de Chartre en l'Epistre 219. Pierre de Blois qui viuoit enuiron de ſon temps en la 68. Et ceſte lumiere de ſon ſiecle, l'honneur de la France, la gloire de la Bourgongne, S. Bernard au 3. liure de la conſideration qu'il eſcript au Pape Eugene au Chapitre 2. D'auantage les Cures qui ſont

12 *Harangue faite à la closture*

subiectes aux Eueschez, sont re-
iettees pour estre si pauures qu'un
homme de mediocre sçauoir tien-
droit à honte d'y estre appellé,
ou si elles ont quelques amples re-
uenus, les plus euollez aux digni-
tez Ecclesiastiques, ne dedaignent
pas d'en auoir le tiltre, & d'en
prendre les fruiçts, mais en re-
fuyent l'exercice & la charge, & la
renuoyent à des Vicaires pauures
& ignorans, ausquels ils donne-
ront quelques petits gages, voire
au dessous de ceux de leurs
moindres domestiques, & se pre-
tendent par là quittes enuers Dieu
& enuers les hommes, & s'en sont
trouuez quelques vns tant eslon-
gnez de la pudeur, du respect des
loix, & de leur honneur propre,
qu'ils en ont osé passer contracts
publics pardeuant Notaires avec

l'expression de telles clauses. Ce que ie dis SIRE, avec beaucoup de regret, mais avec d'autant plus de liberté que l'abus en est fréquent & la preuve par escript. S'il faut parler des Abbayes & autres benefices qui sont à vostre nomination, hélas, SIRE, quel article de nostre concordat est plus alteré que celuy là? & neantmoins c'est la loy à laquelle vostre Maiesté s'est soubmise pour reconurer & se conseruer ce droit de nommer aux benefices, comme ayant esté proclamé par là le seul capable de choisir & recognoistre les gens de bien, & bons Ecclesiastiques de vostre Royaume, comme Roy tres-Chrestien & fils aîné de l'Eglise. Toutesfois il n'y a point en la moitié des Abbayes de vostre Royaume, d'Abbez qui ayent til-

14 *Harangue faite à la closture*
tre canonique, la plus grand part
estant possedees par œconomes,
autres ouuertement occupees par
gentils-hommes, & gens de toute
sorte, gēs lais qui se sont contétez
des simples breuets de don de vo-
stre Maiesté, ou des demissions
des donataires, mesme de diuerse
creance, tous mesprisans de satis-
faire aux clauses des mesmes bre-
uets, & à l'intention de vostre Ma-
iesté qui est de nommer person-
nes capables, & obtenir bulles dās
six ou neuf mois, suiuant le mes-
me cōcordat, & le texte formel de
vos ordonnances. Nous adjou-
stons à ce desordre la multiplicité
des benefices qui resident en vne
seule & mesme personne, mais ce
qui est le comble de tous maux, &
qui fait que Dieu verse sur nous
tant de mal-heur, C'est la simonie

des Eſtats, par M. Miron. 15

ouuerte, & deguiſce par penſions
reductibles, & la confidence ſi or-
dinaire qui s'eſt remarqué en quel-
que Prouince de voſtre Royau-
me, qu'il n'y auoit pas trois bene-
fices en la campagne voire des Cu-
res qui feuffet poſſedees par vrayſ
titulaires, ains tenus au proffit de
perſonnes purement laiques, & de
tout ſexe.

Quant à la Nobleſſe, il s'y eſt
gliffé tant d'excès, tant de meſ-
pris de la Juſtice & des Iuges, tant
de contrauentions à vos ordon-
nances, ſoit pour les duels, ren-
contres feintes, & ſimulees op-
preſſions des pauures, detentions
iniuſtes de benefices, violences
contre les plus foibles, & autres
deſordres, que quelques vns pour
leurs mauuaiſes mœurs, donne-
roient tout ſubiect de ne les plus

16' *Harangue faite à la closture*

reconoistre en ce degré , ou la
vertu de leurs ancestres les à esle-
uez & placez, & leurs defaux pro-
pres les en peuuent à bon droict
faire descheoir, Les grâds priuile-
ges dont iouyssent les nobles, &
les grands fiefs qu'ils possèdent,
leur ont esté octroyez pour leur
seruir d'esguillons à la vertu, afin
qu'ils fussent comme victimes de-
uouées au salut & repos de l'E-
stat, que ce fussent des dignes tref-
puissantes cōtre les efforts & vio-
lences des estrangers : Aujour-
d'huy leurs principales actions se
consomment en ieux excessifs, en
desbauches, en despenses super-
flues, en violences publiques &
particulieres, môstres & prodiges
de ce siecle, qui obscurcissent l'es-
clat & le lustre ancien de cest or-
dre, respectable & redoubté par
tout

tout le Monde.

Et pour le regard de la Iustice ,
les lógueurs faites & subterfuges
pour rendre les procès immortels
sont infinis, & ne reçoivent point
de bornes entre nous par la mali-
ce des parties qui ternissent inno-
cemment l'honneur des Iuges, de
sorte que plusieurs se sont trou-
uez enuelopez, & comme ense-
uelis dans les ruines des instances
intentees par leurs Peres, & pour
n'entrer point en vne deduction
particuliere qui seroit peut estre
ennuieuse à vostre Majesté. Il me
suffira de dire qu'il y a peu à pre-
sent d'affaire procès ciuil ou cri-
minel, si quelque grand ou gran-
dement riche y est interessé, qui
ne passent par toutes les Iurisdic-
tions du Royaume, en suite des
euocations trop frequentes, pour

le seul iugement d'une compé-
tence auant que d'entrer au fond, de
façon que les incidens estouffans
le principal, se trouuent à la fin le
demandeur, & le deffendeur en-
tierement ruinés, c'est ce qui cau-
se tant de duels, tant de meurtres,
tant d'assassins, tant de querelles,
& tant de mespris des iuges qui
n'en font pas tousiours cause, les
pauures plaideurs n'ayant autre
recours, se trouuent accablez d'in-
iustice par la multiplicité de iusti-
ce, c'est à dire de iurisdicions di-
uerfes & contraires, lesquelles o-
bligees à leurs traditiues peu con-
siderables, ayment mieux souffrir
voire cooperer à l'oppression &
ruine entiere des parties que de ce-
der, ce qu'elles pretendent estre de
leur cognoissance, & de leur res-
fort. Ainsi l'Empereur de Con-

stantinople Andronceus, comme nous apprenons du 8. llure de l'histoire de Nicephore Gregoras, ayant recogneu les maux qu'apportoit la longueur & diuersité des procédures iudiciaires, dont l'abus s'estoit rendu comme incurable par le laps de temps, τὰ περὶ τὰς δίκας νόσημα--rechercha & apporta les remedes necessaires par le choix & entretenement de personnes capables, pardonnez moy, SIRE, si de dans les grandes richesses de nostre langue, parlant d'un Empereur de Constantinople, j'ay emprunté les termes domestiques & naturels de sa langue, pour mieux exprimer ceste maladie & hydropisie de pratique, qui nous trauaille, dont l'excès à passé iusques aux gens de Villages, lesquels employent leurs meil-

20 *Harangue faite à la closture*

leures iournees aux plaidoiries, & y sont trop libremēt recueillis, fomentez & entretenus, à intention de prouigner les procès qui leur sont vne autre espee de taille, & vn autre rauage approchant des ruines qu'ils reçoient des gens de guerre, tenant la campagne, dont ie n'ay pas voulu parler, representant les desordres qui sont parmy la noblesse. Car encores qu'elle face où doie faire la plus grād part de la gendarmerie, elle ne doit pas pourtant estre blasmee en general de telles inhumanitez, nous scauons par la conuersatiō que nous auons ensemble, qu'il y a peu de vrays gentils-hommes qui n'ayent deplaisir de veoir les barbaries de ceux lesquels ayant les armes en main ne les exercēt qu'à oprimer, destruire, & ruiner le pauvre peu-

ple, choſe horrible & deteſtable, non ſeulement à veoir, mais à ouïr raconter, & faut auoir vn triple acier, & vn grand rampart de diamant à l'entour du cœur, pour en parler ſans larmes & ſans ſouſpirs, le pauvre peuple trauaille inceſſamment, ne pardonnant ny à ſon corps ny quaſi à ſon ame, c'eſt à dire à ſa vie, pour nourrir l'vniuerſel du Royaume, il laboure la terre, il la meliore, la deſpoüille, il met à profit ce qu'elle rapporte, il n'y a ſaiſon mois, ſepmaine, iour n'y heure qui ne requiere ſon trauail aſſidu: Et en vn mot, il ſe rend miniſtre & quaſi mediateur de la vie, que Dieu nous donne, & qui ne peut eſtre maintenuë ſans les biés de la terre, & de ſon trauail ne luy en reſte que la ſueur & la miſere, ce qui luy demeure de plus pre-

22 *Harangue faite à la cloſture*

ci eux s'employe à l'acquit des tailles, de la Gabelle, des aydes, & autres ſubventions qui ſe payent à voſtre Majeſté, & n'ayant plus rien, encores eſt il forcé d'en trouver pour certaines perſonnes, leſquelles abuſans du nom ſacré de voſtre Majeſté, deſchirent voſtre pauvre peuple par commiſſions, recherches, & autres mauuaiſes inuentions trop tollerees, c'eſt miracle qu'il puiſſe fournir à tant de demandes, auſſi ſ'en va il accablé, la nourriture de voſtre Majeſté, de tout l'Eſtat Eccleſiaſtique, de la Nobleſſe & du tiers Eſtat, eſt assignee ſur ſes bras, ſans le labour du pauvre peuple. Que vallent à l'Egliſe les dixmes? les grâdes poſſeſſions? à la Nobleſſe leurs belles terres? leurs grands fiefs? au tiers Eſtat, leurs maiſons, leurs rentes,

leurs heritages? Il faut passer plus
outre, qui donne à vostre Majesté
les moyens d'entretenir la dignité
Royalle, fournir aux despences
necessaires del'Estat, tant dedans
que dehors le Royaume, qui donne
le moyen de leuer des gens de
guerre, que le laboureur, le tailles,
le taillon que le peuple paye or-
donnees en France pour l'entree-
nemēt des gens de guerre les font
mettre sus, & ils ne sont pas si tost
en pied qu'ils n'escorchēt le pau-
vre peuple qui les paye, ils le trai-
ctent de telle façon, qu'ils ne lais-
sent point de mots pour exprimer
leurs cruautez, combien ont esté
plus doux les passages des Sarra-
zins quand on les à veus en France
que ne sont aujourdhuy les ra-
fraichissemēts des gens de guerre?

Les Tygres, les Lyons & autres

24 *Harangue faite à la closture*

bestes plus farouches , que la nature semble auoir produit quand elle a esté en colere contre les hommes, font du bien, où du moins ne font point de mal à ceux qui les nourrissent, les Lamies donnent leurs mamelles à ceux qu'elles engendrent, dit le Prophete , Et ceste race de vipere (il est impossible d'en parler sans passion) estouffent leurs peres nourriciers, innocens de tous maux , sinon d'auoir nourry ceste engence serpentine. Si vostre Majesté n'y pouruoit , il est à craindre que le desespoir ne face cognoistre au pauvre peuple que le Soldat n'est autre chose qu'un paysant portant les armes, que quand le vigneron aura pris l'Arquebuze, d'enclume qu'il est, il ne demeure Marteau, ainsi tout le monde fera soldat, il n'y aura plus

plus de laboureur, les villes, la Nobleſſe, l'Egliſe, les Princes & les plus grands mourront de faim. I'ay excuſe la Nobleſſe de ce crime, ie ne m'en veux pas deſdire; toutesfois aucunement. Car à dire vray, la Nobleſſe ne faiſt pas le mal, mais ſi elle y vouloit bien travailler, elle en empescheroit vne grande partie, par ce les Nobles ſont exemptſ de telles oppreſſiôs, où ils endurent, où ils diſſimulêt: & en cela il y a quelque choſe à redire, puis que la charité cõdamne, non ſeulement celle qui faiſt le mal, mais encores celle qui le laiſſe faire le pouuant empeschier. Combien de Gentils-hommes ont enuoyé les gens d'armes chez leurs voiſins, & quelquefois en leurs propres villages, pour ſe venger d'eux, ou de coruees non

★ faictes ou de contributions non payees? Il s'est veu depuis quelques temps vne seule compagnie de gens d'armes auoir rauagé quasi la moitié de la France, & après auoir tout consommé, s'en retourner chacun en sa maison, enrichy de la substance du pauvre peuple, sans auoir donné vn coup d'espee, de sorte, SIRE, qu'à bien considerer tous les Estats de vostre Royaume, on trouuera les vertus de nos peres entierement taries en nous, ceste sainte humeur radicale de la crainte de Dieu, & du respect des loix, conseruant la vertueuse generosité, pieté, & iustice est desséchée, il n'y a plus en nous de santé, la gangrene du vice a tantost gaigné les plus nobles parties de ce corps. Qui pouruoi-
ra donc à ses desordres, SIRE, il

faut que se soit vous. C'est vn
coup de Majesté, vous auez assez
demoyé de le faire, vostre pauvre
peuple qui n'a plus que la peau
sur les os, qui se presente deuant
vous tout abbatu, sans force,
ayant plustost l'image de mort
que d'hommes vous en supplie
au nom de Dieu Eternel, qui vous
a faict regner, qui vous a faict
homme pour auoir pitié des hom-
mes, qui vous a faict pere de vo-
stre peuple, pour auoir compas-
sion de vos enfans. Mais comme
le Medecin seroit blasmé ayant
recogneu le mal, de le laisser sans
secours; Aussi serions nous di-
gnes de reprehension si nous man-
quions de représenter à vostre
Majesté les remedes propres pour
bannir de nous tant de maux,
puis qu'il est tout certain que ces

28 *Harangue faite à la closture*
remèdes sont en nous mesmes, &
singulierement en vostre Majesté.

Nous lisons qu'en vne des Isles
Canairies il n'y a aucune riuere,
puits, ny fontaines, en sorte que
toute ceste contree est entieremēt
seiche & aride Mais la nature pro-
uide, ou plustost la prouidence de
Dieu Eternel a planté au milieu
de ceste Isle vn arbre qui iette de
l'eau en abondance par tous les
endroiets par la racine, par le tronc,
par les branches, & par chacune
des feuilles mesmes.

Ce Royaume, SIRE, est en tous
ses membres entieremēt desseché
de toutes sortes de vertus. Mais
Dieu qui luy a promis vne eterni-
té par sa bonté & prouidence, a
planté au milieu d'icelle deux ar-
bres de merueilleuse efficace, iet-
tant non seulement des eaux ca-

pables de nettoier tout ce qui est d'impur parmy nous : mais aussi y a attaché des fructs de la grace, pour changer nos mauuaises habitudes en meilleur estat. Ces arbres, SIRE, sont vostre Majesté, que Dieu a estably sur nous, & le sage conseil de la Royne qui vous assiste, d'où comme de cest arbre procede toutes sortes de vertus capables de releuer nos cheutes, guarir nos playes, & remedier à tous nos maux, vos mœurs pleines d'innocence, vos sages conduites, vos droictes intentions sont suffisantes pour implorer encore la benediction de Dieu sur nous, à ce que son iuste couroux ne décoche les traicts de ses vengeance & chastimens selon nos demerites. Vostre Majesté, grace à Dieu, est doüce de toutes

30 *Harangue faite à la closture*

les vertus necessaires à ceste reformation , laquelle il ne faut point attendre d'ailleurs , que des mesmes pieces qui ont estably le fondement de ceste Monarchie. J'ay dit, SIRE, que le fondement de cest estat estoit posé sur les vertus de Pieté & Iustice, comparee aux deux colonnes d'airain ou portique de Salomon, la premiere qui estoit au costé dextre, appelée d'un mot qui signifie en Hebreu preparation, & la seconde à la fenestre, appelée d'un mot qui signifie force, toutes deux ornees d'un chapiteau de cinq coudees de haut, parsemee de Lys, symbole de la pureté & innocence. Et de Grenade seul entre les fruiçts qui porte couronne, signifiant la Royauté, & de la sommes instruits, que par la Pieté fondée en la pureté

té des mœurs, nous sômes prepa-
rez pour paruenir à la iustice, ver-
tu forte, entieremēt Royale, pre-
mier fleuron de la couronne des
Roys, & qui vous doit faire me-
riter, SIRE, le saint & auguste
nom de iuste, à bon droict don-
né au grand & bien heureux saint
Louys, nom qu'il a meritē par le
trauail qu'il a pris avec l'assistance
de ceste grande Princeſſe la Roy-
ne Blanche sa mere, à retrancher
les abus glissez en toutes profes-
sions, & signamment à bien fai-
re obseruer les loix qu'il auoit
sainctement establies. Ces hauts
tiltres de Saint, de Grand, de Iu-
ste, quoy que les Roys en soient
les vrayz obiects, si ne les obtien-
nēt ils pas tous sans en auoir pro-
duict les effects par vn assembla-
ge d'actions vertueuses, qui ayent

32 *Harangue faite à la closture*
fait esprendre leur reputation par
toutes les parties de l'vniuers.

Et pourceaux sacrifices de l'an-
cienne loy, l'espaule des animaux
offerts à Dieu, comme figure du
travail, estoit reserué aux Roys,
ainsi qu'il se liét auoir esté baillé
au Roy Saül en l'histoire sacrée.
Vostre Majesté à chez soy vn
exemple trop familier de ce que ie
dis du feu Roy Henry le Grand
son pere que Dieu absolue, qui
à donné ce tiltre Auguste, & rele-
ué, sinon grand soin & continuel
travail qu'il à apporté à la restau-
ration & augmentation de cest
Estat? Nous recongnoissons tous,
SIRE, & remercions Dieu de ce
que vostre Majesté à en soy toutes
les semences, & principes des
grandes vertus, le nom de luste &
de Grand luy appartiendra com-
me à

me à saint Louys, & au feu Roy Henry : Mais il les faut acquerir & conseruer par vne suite d'actions vertueuses & magnanimes, en faisant bien obseruer & executer les loix, enquoy vostre Majesté surpassera tous les deuanciers qui en ont estably grand nombre, mais peu obseruees, La gloire des Princes ne git pas tant à faire multitude d'ordonnances qu'à les bien faire executer, ainsi que ce grand Theologien François, Iean Gerson rapporte auoir esté prononcé par ce Roy vrayement iuste, Saint Louys, le nom duquel i'ay souuēt à la bouche, pour deuoir estre vn perpetuel exemple à vostre Majesté, Or ceste Iustice generalement consideree comprend toutes les vertus qui regardent Dieu & les hommes, &

34 Harangue faite à la closture
peut estre comparée à ce retz qui
enuironnoit & sembloit ioindre
les chapiteaux de ces deux colon-
nes de Salomon, dont ie vous ay
parlé, Car bien qu'en la terre la
Pieté & la Iustice semblent auoir
diuers fondements & diuers exer-
cices, l'vne regardant Dieu, &
l'autre le prochain, si est-ce que
considerant le but qui est le cha-
piteau des colonnes, elles tendent
à mesme fin, & visent au Ciel,
pource que l'vne & l'autre vnies
ensemble ont mesme recompen-
se de Dieu.

Pour donc restablir le corps
Politique de cest Estat, en ceste
Pieté & Iustice qui l'ont fondé,
le viens, SIRE, au bref recit des
loix dont l'obseruance nous est
entierement necessaire, & dont le
fondement & l'exécution gist en la

la propre personne de vostre Majesté, qui à la disposition des offices & la nomination des grands benefices, qui doiuent estre donnez à personnes capables en mœurs & en science, & destinez à l'Eglise, & quand ces qualitez se rencontrent en ceux qui sont de grande & illustre maison, ils y doiuent sans doute estre preferez, outre les saincts decrets & ordonnances, le concordat fait avec nostre saint Pere le Pape est la loy qui touche ce point, il ne reste qu'à le bien garder, par là, la ressource est enioincte, à Messieurs les Euesques & autres Pasteurs, les collations des Cures destinees à gens doctes, il y eschet d'en amplifier le reuenu comme estans les charges les plus necessaires en l'Eglise, pource que les Curez sont

les Pasteurs immediats qui communiquēt & fréquentent plus familièrement avec le peuple, & qui manient les consciences des pauvres gés, & pource il nous à sèblé à propos sous le bon plaisir de vostre Majesté, d'y reioindre les dixmes dans chacunes Parroisses, où de retrancher quelque reuenu de tant de benefices simples, qui voisinent les Cures, où bien les y vnir entierement : Cela se pratique tous les iours pour fonder des Colleges, dont vostre ville de Paris regorge & on n'en tient compte, y en ayāt tantost plus qu'd'Escoliers, & cependant ils s'en introduit nombre en des petites villes, & autres qui n'ont point d'vniuersitez, où les sciences n'estans qu'à demy enseignées on peut insinuer en l'esprit des François des

doctrines estrangeres eslongnees
de nostre vsage, & contraires aux
anciens Conciles & decretz receus
en ce Royaume, contre le sainct
precepte de sainct Paul aux Ro-
mains qui enioinct de veiller son-
gneusement, à ce que les docu-
mens des anciens soient religieu-
sement gardez & obseruez, l'airrez
vous, SIRE, de vostre regne perir
les Vniuersitez, & signamment
celle de Paris vostre fille aisnee,
fondee par Charlemagne ce grād
dominateur quasi de toute l'Eu-
rope, lequel à pensé que son Estat
n'estoit pas suffisamment affer-
my, s'il n'estoit estayé des arts li-
beraux, & pource il chercha des
gens doctes de toutes parts qu'il
establit en ceste ville pour estudier
incessamment, & par leur trauail
assidu acquerir la cognoissance

38 *Hara ngue faite à la closture*
des choses dont la gloire de Dieu,
feroit maintenuë par l'estude de la
Theologie, le gouuernement Po-
litique & distribution de la Iusti-
ce par la cognoissance des arts &
sciences humaines, & la santé du
corps par ce qui est de la medeci-
ne, iene veux pas m'estendre sur
les admirables effects des autres
facultez, Mais la Theologie s'est
renduë la terreur du Paganisme,
& le banissement de l'heresie, &
à maintenu la Religion Chre-
stienne en sa pureté, dont il ne faut
autre tesmoignage que ceste cele-
bre assemblee du Concile de Con-
stance, d'où les peres enuoyerent
à Paris demander de la science
pour la decision des questions qui
s'y traictoient, comme on va pui-
ser l'eau viue & pure à sa source
mesme.

En traictant, SIRE, des choses Ecclesiastiques, i'ay parlé de nostre Vniuersité comme estant tenuë de ceste condition; ie continueray donc de représenter à vostre Majesté ce qui est necessaire à la reformation de l'Eglise, ou pour mieux dire des Ecclesiastiques, desquels la multiplicité des benefices doit estre retranchée, & signamment des incompatibles sans en rechercher dispenses qui doiuent estre declarees nulles & abusives, il importe pareillement d'abreger la longueur, regler & moderer les fraiz de la Iustice Ecclesiastique, & autres expéditions qui partēt des mains des officiaux promoteurs, & secretaires de Messieurs les Euesques, à quoy nous les supplions de veiller songneusement, les commandes es Ab-

40 *Harangue faite à la closture*
bayes & Prieurez, Conuentuels
ont causé de grands abus en l'or-
dre de Saint Benoit, & autres
ordres Religieux, la discipline
Monastique depuis ce temps la
ayant esté entierement abolie es
maisons, où le chef est tenu pour
estranger. Il y auroit apparence
de les remettre en tiltre, comme
nous le requerós, afin que les Ab-
bez eussent le pouuoir d'exercer
la discipline dans leurs Monaste-
res. Dieu receuant ceste Justice de
vostre Majesté, SIRE, pource que
cest ordre regarde immediatemét
son seruice, ie ne doute point a-
uec le grand soing particulier que
vous mettrez personnellement
à ce saint exercice, que vostre
Majesté ne receut au reciproque
de sa diuine main des graces infu-
ses pour paruenir à l'autre point,
qui

qui est la Iustice particuliere & distributiue deuë à vos subiects, tellement trauaillez par ce Cahos informe & monstrueux de procedures iudiciaires, qu'il courbe sous le faix de l'iniustice par nombre de Iustice, & diuersité de Iurisdiction, Et comme nous auons représenté à vostre Majesté, que l'impieté n'est causée que du manquement de bons Ecclesiastiques, & que le remede git en l'establissement des plus capables aux dignitez & charges de l'Eglise, d'autre part nous trouuons que l'iniustice n'est causée que de multiplicité de Iustice, & nombre excessif d'officiers & de Iuges, lesquels estans reduits, reglez, soulagez, bien salariez, où chastiez selon leur merite, ou demerite, la Iustice sera en honneur aux bons;

42 *Harangue faite à la closture*
en crainte aux meschans, les loix
reuerdiront & prendront leur pre-
miere couleur, & pour paruenir à
ce but tât desiré, vostre Majesté est
tres humblement suppliée trou-
uer bon de supprimer tant d'of-
fices inutiles qui ne sont qu'à la
foule & oppression du peuple, o-
ster la venalité de ceux qui doi-
uent demeurer, & iusqu'à ce qu'il
luy ait pleu d'en disposer gratuite-
ment : Nous la supplions ostant
le droit annuel qui de tout temps
à suiuy la venalité, leuer pareille-
ment ceste rigueur des 40. Iours
qui s'est glissée par tollerance plus
que par autorité publique. Ce-
la se peut dire en ces termes, SIRE,
pource que les loix de France ne
tiennent pas pour parfait aucun
establissement public, & qui à
traict à l'auenir sinon apres auoir

esté auctorisé par la verification
des Parlemens, cest vsage à tous-
iours esté approuué & receu par
les Roys vos predecesseurs, ainsi
que les Empereurs Chrestiens
portez au bien comme vous, ont
soubmis leurs principales & pre-
mieres loix à la confirmation de
ceux ausquels ils auoient commis
les premieres charges en la distri-
bution de la Iustice, considerant
combien ceste loy de 40. Iours, si
ainsi se doit appeller, à cause de
miseres, & d'inhumanitez enuers
les officiers, les mettans en proye,
& à l'abandon, leurs vefues & or-
phelins à la mercy & discretion
des plus puissans contre l'effort &
violence, desquels vos officiers
requierent en toute humilité la
protection particuliere de vostre
Majesté, à ce qu'ils puissent faire

44 Harangue faite à la closture
leur charge en toute feureté & li-
berté, estans ainſi qu'un ancien
les a appellés chefs & âmes des vil-
les, comme inspirans au cœur &
en l'esprit du peuple, le respect &
l'obeissance qu'ils mettent les pre-
miers en pratique.

Je ne m'arreste point à requerir
voſtre Majesté d'oſter la venalité,
& la liberté de resigner les offices
de ſa maiſon, les gouvernemens
& places des gens de guerre, ie la
tiens toute reſoluë, à ce bon œu-
re comme eſtant choſe extreme-
ment honteuse, que la garde de
voſtre perſonne, le gouverne-
ment des Prouinces & des bon-
nes villes, & la conduite de vos
armees, ſe vendent & s'acheptent
comme nous l'avons veu prati-
quer, cela n'eſt pas moins crimi-
nel & pernicieux en l'Eſtat, que

la Simonie en l'Eglise.

Nous supplions aussi tres-humblement vostre Majesté d'ouurer l'œil & sa prudence sur la conduite de ceste genereuse Noblesse qui l'environne, bannissant d'elle pour iamais les duels, les querelles, les récontres apostees, les jeux excessifs, les iuremens & blasphemes, les despences superflues, les violences & oppressions des pauvres, la detention des benefices contre les saints Decrets, le diuertissement de vostre seruice, & le manquement du respect & obeissance deuë à vostre Majesté, & comme par vos vertus vous donnez à tous l'exemple de bien faire, donnez leur pareillement la crainte de vostre iuste indignation, & de la seuerité de vos chastimens en cas de contrauention

46 *Harangue faite à la closture*
à vos ordonnances, & recognois-
sez par recompense des honneurs
& des charges ceux de cet ordre,
qui se sçauent contenir dans le
respect des Loix. Le reſtabliſſe-
ment de la police & de la mar-
chandise, vous ſera, SIRE, en re-
commandation: car c'eſt ce qui
regle & enrichit les grâdes villes,
aſin que les celebres marchans
ſoient recogneus & remis en hon-
neur, & qu'ils ayent plus de part
aux charges publiques qu'ils n'ot
eu par le paſſé. C'eſt vn des Con-
ſeils que donnoit Xenophon de
ſon temps. Que vos Finances
ſoient bien adminiſtrees & iuſte-
ment departies, le pauvre peuple
ſoulagé de la taille, & de tât d'au-
tres impoſts nouuellement intro-
duits par toutes les prouinces. Et
que le tout ſoit reduit au point

qu'il estoit en 1576. vostre Roy-
aume ayant, grâce à Dieu, beau-
coup moins de charges qu'il n'y
en auoit en ce temps-là. Que les
pensions soient retrâchees, & en-
tierement abolies en nô, & en ef-
fect, à ce que vos deniers, tant or-
dinaïres qu'extraordinaïres soiēt
conseruez pour les grandes char-
ges de l'Estat, & que la necessité
ne vous contraigne de mettre les
mains excessiuelement sur le bien
de vostre peuple, qui n'est à vous
que pour luy conseruer, remet-
tant en fin d'annee de recognoi-
stre par dons & gratificatiōs ceux
qui vous auront fidelement seruy,
au cas que les charges de l'Estat
entierement acquittees. Il reste
quelque fond en vostre espargne
dont la moitié pourra estre em-
ployee en recōpense de vos bons

48 *Harangue faite à la closture*
fetuiteurs, sans tirer en cōsequen-
ce aux anneés suiuanes, & fai-
tes en sorte que vos sainctes & sa-
lutaires resolutions ne soient en
rien chāgees ny alterees, comme
ne pouuant estre que tres-bon-
nes, avec l'assistance de la Roy-
ne vostre Mere, à laquelle toute
la France est grandement obligee
d'auoir porte vostre Majesté à ce-
ste saincte entrepise. Et comme
nous auons la preuue & experien-
ce du passé, de ses bons & vtiles
aduis & sages conseils, aussi nous
esperons, voire nous nous assieu-
rons qu'elle continuera ces mes-
mes bons offices enuers vostre
Majesté, & cette bien-vueillance
accoustumee enuers vos subiects,
comme nous l'en supplions tous,
& signamment enuers le tiers
Estat, mesmement à l'endroit des
plus

plus pauvres, & ceux qui portent
entierement leur industrie & tout
leur soing au travail personnel,
par qui nous sommes nourris, lo-
gez, vestus, seruis, & secourus de
toutes les necessitez humaines,
desquels vostre Majesté peut re-
cevoir plus de benedictions, puis-
que le nombre en est beaucoup
plus grand, & le travail plus vtile
que du reste de vos subiects. Ce
pauvre peuple qui n'a pour parta-
ge que le labeur de la terre, le tra-
vail de ses bras, & la sueur de son
front, accablé de taille, d'impot
du sel, doublement retailé par les
recherches impitoyables de mille
partisans, & donneurs d'aduis en
suite de trois années steriles, qui
ont tesmoigné l'ire de Dieu en
plusieurs Prouinces, a esté veu
manger l'herbe au milieu des prez

50 Harangue faite à la closture
avec les bestes brutes, autres plus
impâtiens sont allez à milliers en
pays estrange, detestans leur ter-
re natale ingratte de leur auoir
denié la nourriture, fuyans leurs
compatriottes pour auoir impi-
teusement contribué à leur op-
pression entant qu'ils n'ont peu
suruenir à leurs miseres.

MADAME, Dieu à commis &
deposé ce Royaume à vostre soing
& vigilance, dont pendant vostre
Regence vous vous en estes tres-
dignement acquittee, au conten-
tement de tous les gens de bien,
& puis que Roy vous en confie
derechef le gouuernement com-
me il luy à pleu nous le declarer,
& auons charge de le supplier cō-
tinuer ceste sainte resolution;
conduisez le par vos bons aduis,
& sages conseils à la remise de tant

d'impôts qui surchargent le peuple, amplement d'escripts dans nos cayers, afin qu'estant iuste & legitime Prince comme il est, il ne desire pas plus en sa souveraine fortune d'estre veu grand, que bon & misericordieux, meslant à vostre exemple deux choses tresdiuerfes, la puissance, & la modestie, Et que ses subiets estans commennageans entre l'amour & le respect, le regardent à l'enuie comme leur pere, leur bien faicteur & autheur de leur salut, en la relasche de tant d'especes d'impositions, qu'à peine peuuent elles estre nombrées, & pour les garantir par mesme moyen de l'oppression des gens de guerre, que les commissions de les mener ne soient plus donnees qu'à gens suffisans pour en respondre, que les

32 *Harangue faite à la closture*

Parroisses exemptes des logemens
contribuent à la despence de cel-
les qui fournissent les logis , sans
difference de la terre du noble, de
l'Ecclesiastique , ny du Bourgeois
puisque tous sont vos subiects e-
galemēt contribuables aux char-
ges du Royaume: Que pour cest
effect les collecteurs des tailles des
Parroisses où se font les logemēs,
portent aux Iuges les parties de la
despense pour estre egalée sur les
autres, où biē que les compagnies
soient entierement payees, & pa-
yent leurs hostes, que les Coī-
missaires qui les menent en soient
responsables, & si eux mesmes vi-
uent à discretion comme plu-
sieurs font à present, qu'ils soient
punis de mort, qu'il soit informé
contre eux des Commissaires qui
ont eu l'audace, menant les com-

pagnies de se faire deffrayer par le peuple, outre ce deffédez les couruees qui chargent le peuple autant que les tailles, vn pauvre homme est contrainct laisser ses semailles, abandonner son Aoust, & d'aller à la couruee pour le gentilhomme, que tel acte soit déclaré roturier & puny avec toute rigueur, & vous roidissez genereusement contre toutes oppressions: C'est le plus seur moyé pour retenir tant de testes avec vne seule teste, & ranger doucement sous quelque joug commun d'obeissance, ceste grande multitude inquiétée desunie & turbulente, ainsi l'esperons nous, SIRE, & que vostre Majesté se lairra doucemét forcer par nos persuasions, à l'enterinement de nos iustes requestes. Car comme en la principau-

54 *Harangue faite à la closture*
té, c'est vn grand heur de n'estre
point contrainct, aussi est il tres-
miserable de ne se laisser point
persuader.

L'obligation de ces biens-faits,
SIRE, nous sera eternelle, comme
le fruiet que nous en ressentirons,
& nos voix retentiront par tout
l'honneur & la gloire de vos a-
ctions, qui sera comune à la Roy-
ne vostre Mere, puis que par son
institution tres-bonne, & sainte,
vostre premiere ieunesse y a esté
ployee & formee, & qu'auetz trou-
ué bon, preuenant les tres hum-
bles prieres de vos subiects qu'el-
le continuast apres vostre mayo-
rité, le commandement & gou-
uernement en l'Estat. Ce qui n'est
pas, SIRE, sans exemple. Eusebe
au 3.liure de la vie de Constantin
dit que cest Empereur Chrestien,

des Estats, par M. Miron: 55
pour recognoistre l'assistâce qu'il
auoit receuë de sa Mere luy donna
le tiltre de Royne, fit battre de
la monoye d'or en laquelle estoit
empreint son image, luy bailla la
charge de ses Finances & affaires
publiques, non content de ce, au
raport de Codrinus, il fit esleuer
en la ville de Constâtinople deux
statuës, l'une pour luy, & l'autre
pour sa Mere: afin que comme
elle auoit contribué au repos & à
l'establissement de l'Estat elle par-
ticipast avec luy à l'honneur & à
la gloire. Mais certes, SIRE, ie ne
puis passer soubs silence quelle
fut l'issuë de tant d'actions sain-
ctes, religieuses, & courageuses,
produites dedans le Concert glo-
rieux du fils & de la Mere. Nous
apprenons du liure inscrit *Græco-
rum Menologium*, est de la Nouel-

56 *Harangue faite à la closture*
le de l'Empereur Michael Con-
nemis, qu'ils furent tous deux ca-
nonisez cōme Saints, & en mes-
me iour au mois de May, leur me-
moire celebree en l'Eglise Grec-
que. Nous vous desirons, SIRE,
& à la Royne vostre Mere, qui
vous assiste, vne fin non moins
heureuse & glorieuse de vos ver-
tueuses actions, & nous nous pro-
mettons que nous ayans comblez
de toutes sortes de bon heur, vous
en receurez vn iour en commun
la Couronne de gloire immor-
telle apres auoir en ce mode don-
né ce contentement à la Royne
vostre Mere & ce souuerain bon-
heur à vostre Royaume de vous
veoir Pere d'une Royale lignee
en suite de vostre mariage & des
autres alliances soigneusement
traictees & conseruees par la pru-
dence.

dence de la Royne avec tous les Potentats de l'Europe à la gloire de Dieu, à l'honneur du Royaume, au repos vniuersel de la Chrestienté & au soulagement de vostre peuple dont sa Majesté est grandement loüee & remerciee.

Ce sont, SIRE, les vœux & requestes des gens du tiers Estat de vostre Royaume, ou de ceux qui les representent, & parlent pour eux, la plus part honnorez de tiltre d'officiers de vostre Majesté és premieres charges des Prouinces: lesquels encore qu'ils s'abaissent, comme ils doiuent, au plus humble degré de respect qu'il leur est possible, ne se tiennent pas pourtant auilis ny raualez en vn estage si bas que l'humble contenance en laquelle ils se presentent deuant vostre Majesté, autresfois

+ cōmuné en ceste actiō , & tous les ordres les doiuent rendre mesprisables. Et si cōtre la respectueuse coustume de toute ancienneté pratiquée par les plus grands du Royaume, voire par les Princes & par les Euesques (ainsi que remarque Gregoire de Tours, au 5. & 6. liures de l'histoire de France, Nicole Gilles , & Jean Iuuenal des Vrsins, en plusieurs endroicts de leurs Chroniques) les autres ordres ont recherché en ces derniers siecles , d'estre dispensez de rendre à nostre exemple , ceste exuberation de respect au Prince Souuerain , quant à nous nous auons pris à honneur de nous maintenir en la regle de ceste profonde humilité. deuant nostre Maistre , ce n'est pas pour cela que nous ne sçachions bien quels

nous sommes : Et que hors ceste action entant que touche vos subiects de quelque qualité & condition qu'ils puissent estre, nous presenterons vostre Majesté en nos charges, & qui nous outrage, viole vostre auctorité, voire commet en certain cas le crime de leze Majesté, ce sont S I R E, les decisions des Empe- reurs Romains bien experimen- tez en ceste cognoissance, lesquels ont passé és ordonnances de vo- stre Majesté, Nous auoüons bien que nous sommes assiste des prieres & benedictions de Mes- sieurs les Ecclesiastiques, & que leur ministere nous est entieremét necessaire & vtile, nous recognois- sons aussi que nous receuons par fois secours de la Noblesse, avec laquelle nous ioignons souuent

60 *Harangue faite à la closture*
nos personnes & nos moyens,
nous exposans aux mesmes ha-
zards & perils, aux necessitez pu-
bliques, comme avans plusieurs
de nous par la naissance, l'honneur
de faire partie de ce mesme corps,
& peuuent les vns & les autres re-
cognoistre que nous trauaillons
souuent en nos charges pour vui-
der leurs differés, asseurer & affer-
mir leur bien, entrons souuent en
contention d'esprit pour regler
leurs debats, & faisons effort à
nous mesmes pour preuenir leurs
efforts & querelles, ce n'est pas
pour reprocher le seruice que
nous rendons, nous y sommes te-
nus, vostre Majesté nous le com-
mande, elle s'est despoüillée de ce
sainct exercice & nous en à reue-
nues avec toute auctorité, pour
vaquer de sa part aux plus hauts

affaires de l'Estat. Et neantmoins
au milieu de ses grandes & serieu-
ses occupations, elle daigne bien
quelque fois descendre & abaisser
à pareil exercice & fonction de la
Iustice comme la plus noble oc-
cupatió, & plus digne de sa gran-
deur, que mesme en son grand
sceau qui est la marque qui estend
& publie le plus loing l'auctorité
du Prince, elle à voulu estre de-
peinte seant en son liét de Iustice,
comme iuge: ainsi Eustatius grãd
Archeuesque de Thessalonique,
sur vn lieu des Odissees d'Homere,
recherchât pourquoy ancienne-
ment les Roys estoient depeints
ayant le sceptre en la main, & vne
lance en l'autre, dit que c'est pour
monstrer l'exercice des deux fun-
ctions concurrentes en leurs per-
sonnes des affaires de la guerre, &

62 *Harangue faite à la closture*
de l'administration de la Iustice:
Et pour ceste mesme raison, l'Em-
pereur Iulien faisoit peindre en
ses armes l'effigie de Mars & de
Mercure, ainsi, S I R E, si nous
nous iettons dedans le tiers Estat,
pour le secourir & vous represen-
ter ses necessitez & miseres, en
cela nous nous efforçons d'imiter
vostre Majesté, & faisons ce que
principalemēt elle desire de nous,
qui est d'auoir soing des plus foi-
bles, des plus cachez à ses yeux,
& plus eslongnez de ses pas.

Mais ainsi que i'ay parlé com-
me député du tiers Estat, avec li-
berté de ce que i'ay creu estre ne-
cessaire de la part de vostre Maje-
sté, pour le reestablissemēt & ma-
nutention de cest Estat, aussi
semble il estre de mon deuoir
qu'en la mesme qualité, & com-

me Preuost des Marchands de
vostre bonne ville de Paris, ie die
auec la mesme liberté ce qui est
necessaire de la part des subiets, de
quelque qualité & conditiō qu'ils
soient. C'est en vn mot l'obeis-
sance entiere enuers vostre Maje-
sté, dont aucun n'est dispensé pour
quelque grand tiltre qu'il ait, i'ad-
jouste à cela vn grand respect deu
à tout ce qui concerne le souue-
rain, n'y ayant vice ny excès plus
digne de chastiment au subject,
voire de la qualité la plus éminen-
té que le mespris de son Prince, &
l'effort qu'il fait d'imprimer en
l'esprit du peuple vne opinion de-
rogeante à sa grandeur. Et pource
que la dignité de la ville de Paris
est telle, SIRE, qu'elle donne l'e-
xemple à toutes les autres aussi
rend elle, comme elle fera touf-

64 *Harangue faite à la closture*
iours vn tesmoignage plus parti-
culier d'affection, respect & obeis-
sance à vostre Majesté, qui l'a de-
coree de grands priuileges par des-
sus les autres villes de son Royau-
me, entre autres que les Preuost
des Marchands, & Escheuins,
bien que Magistrats de ville & po-
pulaires Royaux, neantmoins
font seuls le serment entre les
mains propres de vostre Majesté,
ont vn substitut de vostre Procureur
general, perpetuellement re-
sident à leur Bureau, qui requiert
en toutes affaires, ont leurs causes
commises en premiere instance,
pour le domaine de la ville en la
grande chambre du Parlement,
comme pour le propre domaine
de vostre Maiesté, reçoient ses
lettres patentes, comme officiers
Royaux, & d'abondant la ville de
Paris

Paris est honorée de l'aspect immédiat & continuel de la face de vostre Maiesté, qui la fauorise de sa résidence ordinaire, de là nous vient, SIRE, la liberté de parler si haut, pour ce qui nous touche, & pour ce qui regarde l'obeissance qui vous est deuë, la manutention & l'indépendance de vostre Couronne, la seureté de vostre Estat & de vostre personne, laquelle nous est si chere & si precieuse, que nous consacrons à la conseruation de ce gage nos biens & nos vies : Et pour recompense, nous ne desirons autre chose de vostre Maiesté, que le soulagement du peuple, le reestablissemēt & manutention des loix dans vostre Royaume, & signamment en la ville de Paris vostre capitale, Et pour biē tost venir à chef de ceste

saincte entreprise qui vous fera tres-facile, avec l'assistâce de tous ces ordres, dont le choix & l'eslite vous a esté enuoyé des Prouinces, avec vne ardente affection de bié seconder vos bonnes intentions que vostre Majesté n'estime, & ne face estat desormais que des vertueux en toutes professions, que eux seuls soient appelez aux charges Ecclesiastiques & seculieres, qu'elle se propose tousiours deuant les yeux, que les bons seruiteurs du Roy seront ceux qui le seront le plus de Dieu, & de la vertu actuelle. Ce faisant vostre Majesté fera à iamais benie de la main de Dieu Eternel, qui fera pleuvoir sur vos Couronnes la rosée du Ciel, foisonnera vostre Royaume de la plenitude de la terre, vous enuoyera la paix & le

repos en vostre conscience, vous conseruera le respect & l'obeissance de vos subiects, en fin vous comblera de tous biens temporels, qui seruiron de degrez, pour à l'exemple & à la suite du grand Sainct Louys paruenir aux eternels : Et quant à nous, SIRE, nous publierons incessamment vostre honneur & louange, le chant triomphal du Prophete Esdras, benit soit le Dieu eternel qui à mis vne telle volonté au cœur de nostre Roy.

Je croy, SIRE, qu'il suffira pour ceste heure d'auoir representé en gros à vostre Majesté, ce que le tiers Estat de vostre Royaume peut desirer de vostre bonté & Iustice, le surplus se verra par les cayers que nous vous presentons, pour estre resolus auant le depart.

68 Harangue faite à la closture
des Estats, ainsi que vostre Maie-
sté l'a asseuré, & en est d'abondant
suppliee par ses tres-humbles, tres-
fideles & tres-obeissans seruiteurs
& subiects.

F I N.

Extraict du Priuilege du Roy.

PAR grace & priuilege du Roy, il est permis à SEBASTIEN CRAMOYSI, Marchand Libraire Iuré en l'Vniuersité de Paris: d'imprimer où faire imprimer, & mettre en vente, la Harangue prononcee deuant le Roy & la Roynie en la Sale du petit Bourbon, à la presentation du Cayer du tiers Estat: Par Messire ROBERT MIRON, Conseiller du Roy en ses Conseils d'Estat & Priué, President aux Requestes du Parlement, & dudit tiers Estat, Et Preuost des Marchands de la Ville de Paris, le Lundy vingt-troisiesme Feurier, mil six cents quinze. Faisant tres-expresses deffenses à tous Libraires & Imprimeurs ou autres de nos subjets de quelque qualité ou condition qu'ils soient, d'imprimer ou faire imprimer ladite Harangue &c. la vendre faire vendre debiter, ny distribuer par nostre Royau-me, sous pretexte de quelque addition, changement, ou autre forme de déguisement qu'on y pourroit apporter, durant le temps & espace de six ans entiers & accomplis, sur peine aux contreuenans de mil liures d'amende, & de confiscation des exéplaires, & de tous despens dommages & interests, comme il est plus amplement déclaré és lettres de priuilege, donnees à Paris ce 16. Mars 1615. & de nostre regne le cinquiesme.

Par le Roy en son Conseil.

L E F E B V R E.



